

ثلاثيات

1

من شهوّر ما جاني بريدك
والزهر مستني بر يدك
عرك فيا قلبي ب يريديك

لو ذكرت اللي في التراب نايم
أذكر الحسنات وسبحاته الدايم
في الآخرة تبقى في الهنا عايم

2

قلبي شرب من الصبر سنيين
النوم هارب من جفون العين
صدق من قال عاشقين مساكين

3

لو شر المصايب يضحك
روحي مسرح ضحك
أدخل وموت من الضحك

4

ضاقت الحلقة والألم طل
فرز شهم وخسيس فيه غل
أقصد كريم العمر ما تنزل

5

يا سايح ببلاد الناس
كل الشمال أبعد عنه
الحق ما حد هرب منه

6

خلي بالك يا بنت يا عيشة
نفسى تحافظي على العيشة
تبقي في قلبي خفيفة ريشة

7

كنا زمان متجمعين لـمه
بيت فيه الخالة والعممة
نرفع المكسور فينا بالضمة

8

عيون الأمل كحلها رباني
أبويا على الأصول رباني
وبطيبة القلب الخير جاني

9

هو الحب موجود ولا أو هام
دقات قلبي أسرع من الأيام
خفت ليكون عشق أو هام

10

الدنيا تحب الولد الجذع
لا يتباهى بمال مهما جمع
ولا يهزه اللي قاله الودع

11

يا ابن آدم أفهم بقى المعنى
ربك بحكمة يفرقتنا و يجمعنا
نعصاه و يديننا وهو قادر يجوعنا

12

الحب للدنيا بلا أصول عمى عينك
خد الطمع مال الناس يملى بيه جيبك
المكتوب مهما تهرب منه ح يصيبك

13

قالت آه لو تشوف جمالي
من التكرار بقى يعانني
المفتحين ليه سبوك قدامي

14

يا رب يا منزل المطر
الضعف في بالي خطر
أرفع عن البشر الخطر

15

ناس على الناس بصاصة
وناس على الحبل رقاصة
ربنا يبتليهم برصاصة

16

عملت من الصبر نول
حزن أيامي غزله يطول
ألمي يحن عليا وأنول

17

عاشتنا بقت كلها الغاز
مواسير يجري فيها الغاز
وكمان لغينا وبور الجاز

18

يا ما وقفنا جنبهم نسند
ولا خدنا جوز ولا مفرد
لو تعبنا يهرب و يشرد

19

من لا حيلة له
الله يدبر له أمره
قوله ولا يبدل قوله

20

النوم هو تقاوي النوم
والكسل يزود الهموم
ليه تبقى ظالم ومظلوم

21

أبن آدم يقول مظلوم
هو ضل عاش محروم
طمع الدنيا ما زال هموم

22

الحمد لله حمدا كثيرا
مسنى الضر وكنت سقيما
برحمة الله ودعائكم شفيانا

23

بان لعيوني من عيونك الطريق
ما كنت لآقي وفي ولا صديق
نورت كياني يا أحن رفيق

24

الشكر لله وتحية لأصدقائي
سؤال و سلوان خفف شقائي
لكم أجمل أمنية ولكم وفائي

